

沅陵縣志卷九

公署

辰州府署建城中桐木山之巔高閣壯麗眾山環拱兩江
滙繞煙火萬家周於其下湖南之雄郡也元時爲路署
至元二年建譙樓於署前明洪武中知府馮惟德因舊
制而新之成化七年正月正堂棟折二月知府易貴
購枋木千章永順保靖土司各獻楠木百餘章來助乃
盡徹舊宇而大新之至八月而工竣劉宣作記詳藝文
正德六年春譙樓東北頽冬十月火次年正月知府戴
敏新之築土礮石上圍如空洞中爲門上爲樓較昔更
沅陵縣志 卷九 公署 二十七

爲侖與凡八閱月始成敏自爲記嘉靖二十九年知府
徐楚新儀門建二樓於外左曰宏遠右曰大觀重修譙
樓樓後復頽遂廢

國朝康熙八年知府盧裕礪建萬若樓於儀門之左二十
五年知府劉應中新建頭門三十二年知府上官源改
建頭門鼓樓三十三年知府王鎮建仁山樓於內署建
四牌樓於府坡下四十四年知府遲端建來儀亭於署
後又於內署之西建書室五十年遲端復修理儀門及
各吏舍又於頭門之東創迎翠樓乾隆五十六年知府
丙成因旱祈雨歸至迎翠樓大雨傾注遂改樓爲惠雨

閣建迎翠樓於內署道光九年署內火大堂以內焚燬殆盡知府周如蘭重建十八年知府方傳穆改修內署備極完美閱三年始工竣今署統計正堂三間右官廳一間左廣盈庫一間東西吏舍十二間儀門三間頭門三間東惠雨閣一楹東西鼓吹亭各一外爲屏牆餘地寬衍立棹楔一楹額曰南天鎖鑰內署由正堂中進爲穿堂五間兩廊房各三間三堂五間正房五間右進花園一所書室四間射廳一楹外爲箭道後大花廳三間旁屋一間廂房兩間曲徑斜通地頗幽邃夏月涼風習習溽暑全消前太守陳廷慶觴咏之暇手書小方壺三

字勒石並紀以詩花廳後書室三間後又三間對面房二間由小方壺過右數步爲迎翠樓一楹旁列小房三間閒房三間每值夕陽西墜倚樓閒眺暮烟薄靄縈繞於山巔水涯洵勝景也左進含碧亭一座小池一泓軒房五間小房三間又進有住房五間旁隙地半畝古柏數株槎枒盤屈若龍蛇形左土地祠大仙祠各一後有內房五間外種花卉院前古木森森爲數百年物其餘庖廚之所不計

通判署在浦市舊與同知署對峙於府儀門之西南後移建府署右坡順治中暫駐沅州籌餉康熙五十一年移

駐沅陵縣浦市之娥眉灣五十七年通判汪燦建署後
乾隆元年通判姚鉞十四年通判王敷賁二十五年通
判陳世會先後重修以後歷任通判時加修葺

經歷司署明成化時在府署正堂之東偏後移置東轅門
外

國朝康熙間遷建於府坡下乾隆十四年經歷司王啟緒
始新其堂室二十九年經歷郭景源捐俸重修嗣後歷
任經歷時加修葺

縣署建西城飛霞山之麓卽元萬戶司理所也明洪武初
知縣仵整重建萬歷十七年燬於火攝縣事推官汪宛

沅陵縣志

卷九

公署

三九

重新之尋知縣常真傑至以內署淺隘購千戶公廨於
後始加深邃二十五年知縣喻繩祖因縣署逼臨街市
乃縮地三丈爲頭門上建譙樓西爲迎賓館明季兵毀
國朝順治五年知縣張至善仍舊制而稍葺之九年爲黔
兵所踞十五年知縣楊萬里修其堂室規模粗備康熙
九年知縣李昌齡復修儀門前建鼓樓二十一年知縣
傅以新重修堂室時鼓樓已頽二十三年乃更治之以
新自爲記四十年知縣卽廷樾之兄廷極爲浙江布政
司分賜

御書純一堂及清慎二字於諸兄弟廷樾乃摹鑄純一堂

懸於內署懸清慎於正堂而自爲記乾隆十四年知縣王冕於內署西偏建碧梧軒又於署後構棲霞亭登臨眺望城市中得山林之趣今毀二十九年知縣魏桐蔭建書室三間於內署左道光七年知縣宋宴春重修二堂署知縣彭邦時額曰誠求堂改懸純一堂於正堂嗣後知縣洪慶華於儀門內立棹楔一楹同治二年知縣萬修廉修儀門四年知縣汪時渭重修正堂暨堂後過廳並儀門內棹楔今署統計正堂三間左爲號房右爲茶房堂外廳一楹東西吏舍十二間中立棹楔一楹前爲儀門三間儀門外左爲五神祠右爲捕署頭門三間

前爲屏牆正堂後廳一楹左右門房各一間進爲二堂七間左四間右二間中爲誠求堂堂後橫牆一道內爲正房七間左右廂房各一間左牆外偏屋一間餘屋八間右牆外屋二重後五間爲花廳前三間爲客廳正房牆後建屋一間祀衙神庖厨之所不計

縣丞署在界亭驛舊在縣署東乾隆元年始移駐荔溪在縣南六十里三年縣丞沈觀建署今舊址尙存二十一年裁界亭驛丞以縣丞兼轄遂移駐界亭在縣東一百二十八里是年縣丞林元燭因舊驛丞署而新之二十二年創建書室三間於東偏顏曰松哦草堂元燭自爲記

典史署在縣署西修建歲月莫詳康熙四十一年典史楊之昌建書室於內署之西顏曰雲綺雍正六年典史陳廷銓購西鄰民地爲書室三間乾隆二十年復購書室後民地統爲牆垣以圍之自後歷任典史時加修葺馬底巡檢署在縣東六十六里之馬底驛舊爲驛丞之署乾隆二十六年裁驛丞改設巡檢始爲巡檢署

船溪巡檢署在縣西南七十八里之船溪驛舊爲驛丞署乾隆三十六年裁驛丞改設巡檢始爲巡檢署

監獄在典史署右原與府獄並列縣獄甚隘乾隆二十四年知縣周升請以府獄建於經歷署左併其址爲縣獄

沅陵縣志

卷九

公署

三

知縣魏桐蔭捐俸修之今統計內監三間旁屋三間外監三間右爲女監旁屋三間禁卒居於內外監之中

道紀司在圓妙觀

僧綱司在龍興寺

武署

湖南提督署在沅陵縣學前之東偏元爲廉訪司明爲總兵府嘉靖中改爲守道署

國朝康熙六年改爲辰常總兵署十九年改爲協署乾隆九年副將余忠大新之嘉慶二年因苗變奏請副將移駐沅州府提督分駐辰常始改爲提督署中間建置不

一今署統計正堂三間左爲官廳右爲巡捕廳前爲過
廳一楹東西廊房十間儀門三間頭門三間外左側執
令廳一間東西鼓吹亭各一前爲屏牆正堂左牆外餘
地建屋三間提督蒲尙佐額曰樹德軒正堂後爲二堂
五間右廊房各一後隔橫牆內爲正房五間左右廊房
各三間後建迴廊圍繞右牆外花廳三間前爲箭道立
演武廳一楹庖厨之所不計

左營遊擊署在西城外明爲守備署建置壯麗後爲黔將
盧名臣署久漸圯康熙二十六年守備陳赤修後守備
馬捷建桐柏軒於堂左乾隆十三年守備汪國臣重修

沅陵縣志

卷九 公署

三

嘉慶二年移常德左營遊擊駐辰州始改爲遊擊署至
同治八年署遊擊事長沙羅錫臣以曩在常德曾有皂
角菴一所改祀天駟星自移駐辰州城守後兩營均有
專廟本營僅於校場大關廟殿側附祀殊非所以庇馬
政爰集閭營弁兵計議度地於署之西偏火藥局舊址
建廟一中祀關聖帝左祀火神右祀天駟階下左側修
偏厦二爲祭祀更衣之所規模宏整營制爲之一肅
後營都司署在文昌門外東關下嘉慶二年新設辰州後
營都司始建署

城守營都司署在下南門馬路巷天寧山前舊爲右營守

備行署嘉慶二年移副將駐乾州其中軍都司卽作辰州城守營都司移署於此始改爲都司署同治七年耒陽黃倬雲來署都司事於廳事東偏建樓一楹備極軒豁額之曰整暇樓左側隙地大可數畝繚以短垣闢箭道建廳一爲校閱所騎射之餘憑樓四顧遠山近水掩映於桐陰柳蔭間最足滌人塵俗

演武廳在府城東北郭前明衛校場故址也康熙二十年副將李榮重建廳室乾隆二十九年知府席紹葆副將李蘭知縣魏桐蔭添建前廳五間後漸毀圯同治七年知縣守忠重修

沅陵縣志

卷九

公署

三

行署

上諭亭在縣署東甲第巷雍正九年知府白豐知縣趙念曾建正殿五間東西朝廊四間應門三間臯門三間每月朔望宣講

上諭遇

朝賀行禮文武臣工班次俱欽遵

大清會典

按會典康熙二十二年題准直省行慶賀禮其畧云總督爲一班巡撫提督爲二班總兵官布政使按察使爲三班各道員副將叅將爲四班知府同知通判遊擊都

司爲五班知州知縣守備爲六班府經歷州判縣丞千
總等官爲七班乾隆七年部議兩司經歷理問教授教
諭訓導俱列入六班州縣之次又江西巡撫議巡檢典
史與把總外委等列爲八班其他學宮行禮及公所坐
次俱遵此

督學試院在府學之左明正德間爲崇正書院後改爲察
院復改爲廵道署

國初始改爲督學署堂室甚隘每試士咸列坐於學宮櫺
星門外雍正十二年知府李珣捐俸二百金率屬邑各
捐百金徹而新之中建正堂一楹左右廊房四間前爲

沅陵縣志

卷九

公署

三十四

考舍東西兩長廊坐次一千五百有餘又前爲儀門東
爲官廳二總爲頭門外爲鼓吹亭二爲東西轅門各一
繚以棘垣內爲書舍二楹每楹各爲廊房者四制甚巨
也而考舍地隘重簷四垂未暮而昏士每苦之乾隆二
十九年知府席紹葆偕紳士購東鄰地拓而大之規制
詳落成碑記今不存嘉慶十六年知縣王作梅捐俸並
募金重修於頭門內左右立兩榭儀門內闢西陽書院
隙地爲三長廊東二棚西一棚其坐席皆立石相啣坐
號計一百三十二塊正堂簷外接豎一廳堂之左闢西
陽書院隙地爲箭道立演武廳一楹其費貲二千餘兩

自爲碑記其後應試人眾坐號漸不能容堂室亦頗朽敗道光三十年知府鍾音鴻知縣張景垣諭邑紳募捐四邑一廳乃盡撤而大新之立大堂三間左爲承差房右爲內官廳廳後房三間爲胥吏居處所堂下廳一楹左右列堂號牆外東西偏屋各一所由廳外循而東盡購民房爲箭道立射廳一楹堂階下舊爲三棚偏而不正今盡闢西陽書院地並舊箭道列四長廊東西各二棚通計坐案一百四十四塊櫬亦如之案坐八人兩頭及中皆豎以石棚外東文場門一西文場門一中間橫道爲東西雲路門各一長甬道三中甬道之前立一門

外爲黠名所儀門三間階下立兩走廊東爲官廳頭門三間門外東爲巡捕廳西爲外官廳所內爲供應所階下東西鼓吹亭各一前爲屏牆轅門外各立坐棚一座大堂後建橫牆由中門入爲廳一楹階上穿堂五間太守鍾音鴻植桂一本於堂外因額曰畱桂右牆外房二間穿堂後又廳一楹階上正屋五間中爲內堂左二間爲學院住房右二間爲幕友居處所又右有房二間辦事人住所西北隅牆外隙地闢花園二進通署繞以周垣高宏壯麗爲衙署鉅觀過者嘖嘖稱羨咸謂甲楚南云

按試院自雍正以來屢有增改至今始稱美備通計費
貲壹萬肆千餘兩匠役千餘人越兩年工始竣念創造
之難不可不時爲經理太守鍾公音鴻立石爲禁除考
試外長封局不准借作公館其用心可謂深且遠矣
大公館在四牌樓之東舊爲同知署乾隆五十年裁同知
今稱大公館

府義倉在下南門內府倉巷之右卽府鹽義倉故址道光
二十五年知府事雷成樸於此建義倉貯義田租穀東
西對向倉廩二十間分內外四棟牆外南向五穀神祠
一棟三間祠後西向走廊一棟八間爲盤晾穀石之所

沅陵縣志

卷九 公署

三六

二門外東廳二間爲各首事勾稽出入之所大門一座
額以辰州府義倉五字

常平倉原建東門內水師營故址嘉慶間倉圯移建下南
門內府鹽義倉地道光十一年被水坍塌改建大公館
之西偏

縣義倉在縣署之東凡八間乾隆十二年歸貯各社穀增
設倉四間

廢署

廉訪司在中南門內元建內有尊美堂後屢改他署今爲
提督署

察院在府城東舊崇正書院地後遷於下南門久廢

布政
按察

分司在府治東西並列各有行臺坊表久廢

分守道署即今提督署嘉靖十二年守道吳瀚因故總兵
府改建正堂額曰正己率下左右坊額曰旬宣曰屏翰
前為棹楔曰文武憲邦隆慶六年守道胡邦奇有題名
記康熙六年裁

分巡道署即今督學試院明時建後改駐沅州今駐鳳凰
廳

同知署在四牌樓之東乾隆五十年裁辰州府同知移駐
湖北施南府改署為公館

沅陵縣志

卷九

公署

三七

推官署在舊通判署久廢

知事署舊址莫詳康熙六年裁

照磨所明成化時在府正堂之西後遷於外康熙三十九
年裁今改為沅陵縣訓導署

司獄司舊在府署西城康熙六年裁

倉大使署舊址莫詳順治十六年裁

大刺巡檢司舊在保靖蝦里坪正德中改為江口水驛久
廢

高巖鎮溪二巡檢司久廢

陰陽學醫學舊在府署東坡久廢

申明亭旌善亭惠民藥局四牌樓俱在府前屢修屢敗
崇盈倉在府城東北永樂中建久廢

廣濟倉在崇盈倉前萬歷二十二年分守道陳性學建久
廢

廣積倉廣盈倉在東城外俱久廢

府監獄原在沅陵縣署右與縣獄並列乾隆二十四年知
縣周升以縣獄地隘詳請府獄別建乃新創於經歷署
之左監屋三間今廢

宣撫司在會溪元至元三十一年建久廢

萬戶府元大德三年以毘陽萬戶府鎮守辰州建署於府

沅陵縣志

卷九 公署

三六

城內鶴鳴山左支廉訪使張繼建折衝堂於其中明改
爲衛署

司理所元大德中建廉訪使張繼建學愛堂至正中兵燹
今沅陵縣署其故址也

總兵署卽今提督署明時因元廉訪司改建嘉靖間改爲
分守道署

國朝康熙六年仍改爲辰常總兵署十九年裁鎮改爲協
署嘉慶二年移副將駐乾州常德提督分駐辰州始改
爲提督署

協署今爲提督署

辰州協都司署原在縣學前之西偏康熙十九年都司李學正創乾隆七年都司楊允秀修內署十八年都司潘文科修正堂嘉慶二年移副將駐乾州中軍都司改爲辰州城守營都司移署下南門內馬路巷署遂廢爲民舍

水師營署故址在東城內

辰州衛署明太祖爲吳王時歲丙午衛指揮劉寅因元萬戶府拓地創建左右中前後五所環衛而立前爲坊曰鎮靖其儀門之東爲經歷司西爲鎮撫司後爲旗纛廟北爲預備倉倉後改爲羈候所康熙間盡改爲府學

沅陵縣志

卷九

公署

三九

按沅陵城池載成化初衛指揮高翔於府城西北隅設外城爲衛營官舍兵弁悉居之至順治初衛城始廢而舊志廨署中止載衛署於此而不言其遷署衛城且其時指揮三十四員千戶二十九員百戶倍之諒非此地所能容舊志於各廨署畧舉二三卽幸而見及者源委弗詳大都如此

故縣署漢時在今縣治之南岸北枕沅水其址莫考明以前遷建舊志弗詳

主簿署舊在縣署西久廢

酉溪巡檢署在縣西北二十里元設巡檢駐此明廢

麻汭汛巡檢署在縣東北百七十里元設巡檢駐此明廢
新店巡檢署在縣西北四十里元設巡檢駐此明廢

明溪巡檢署在縣西北一百里明設巡檢駐此康熙五十
六年裁

會溪巡檢署在縣西北百一十里元至元三十一年設巡
檢駐此康熙五十六年裁

池蓬巡檢署在縣東北百三十里明設巡檢駐此康熙五
十二年裁

按溪洞巡檢署河溪巡檢署屬瀘溪縣久裁詳載府志
舊志歸縣屬誤

沅陵縣志

卷九

公署

驛鋪附

驛鋪附

辰陽驛在縣南對河東距馬底驛六十六里南距船溪驛
七十八里明洪武初設驛丞駐此專司驛遞夫馬

國朝乾隆二十一年裁驛丞歸知縣

馬底驛在縣東六十六里東距界亭驛七十二里元置堡

明洪武初改設驛丞乾隆二十六年裁驛丞改設巡檢
兼管驛務其錢糧歸知縣管理每歲知縣分給養廉銀

十兩

界亭驛在縣東一百三十八里西距馬底驛七十二里明

洪武初設驛丞乾隆二十一年裁驛丞移驛丞分駐兼

管驛務其錢糧歸知縣管理每歲知縣分給養廉銀三十兩

船溪驛在縣西南七十八里東距辰陽驛七十八里西南至辰谿縣之山塘驛七十里明洪武中設驛丞舊屬瀘溪縣乾隆二年改屬沅陵縣二十六年裁驛丞改設巡檢兼管驛務其錢糧歸知縣管理每歲知縣分給養廉銀六十兩

四驛原每驛設馬一百匹馬夫五十名扛本作揷俗作揷者非夫一百七十九名順治間巡撫周召南題定厥後吳逆判亂夫馬盡廢康熙十九年

沅陵縣志

卷九

公署

驛鋪附

四

王師恢復軍興旁午差使頻仍於是蠹吏奸民按里攤派又假包當之名以荼毒鄉民二十二年復額設每驛馬八十四馬夫四十名獸醫一名扛夫八十名二十四年每驛裁減馬三十四馬夫十五名而奸蠹相緣民苦日甚三十八年知縣卽廷榷始裁革一切科歛之弊定議於民賦屯餉外畧取羨耗以爲解銷錢糧辦理一切公捐事務之費名曰夫價凡驛夫雇募之貲皆出於此四十二年巡撫趙申喬裁夫價之徵勒石永禁凡驛站夫馬料食支應馬價諸項皆坐支縣徵本款錢糧照例實給以供應募者卽廷榷督令驛丞遵行而民大便雍正

五年每驛裁減打夫五名乾隆二十四年每驛裁減馬五匹馬夫二名半今四驛盡歸知縣管理每驛額設馬四十五匹馬夫二十二名半獸醫一名扛夫七十五名四驛共馬一百八十匹馬夫共九十名獸醫共四名扛夫共三百名凡草料藥餌工食馬價皆動用錢糧或夫馬不足皆官自雇募不以病民

鋪俗作鋪非

遞共三十四又小鋪一今統鋪司兵一百六十八

名

東路府門鋪鋪兵四名縣前鋪鋪兵五名十一里至長田鋪兵四名十里至新安鋪兵五名十二里至淘飯鋪

沅陵縣志

卷九

公署

驛鋪附

望

兵五名十二里至松溪鋪兵五名十里至白霧鋪兵四名十一里至馬底鋪兵四名十二里至楊保鋪一作兵

五名十里至楠木鋪兵五名十里至獅子鋪兵五名十里至馬鞍鋪兵五名十五里至清捷鋪兵五名十里

至界亭鋪兵五名十一里至官莊

俗作庄非

鋪兵五名統十

五鋪鋪路統一百四十九里鋪兵統七十一名又十五里至楊家鋪常德府桃源縣所轄

南路縣前鋪十里至苦藤鋪十里至清水鋪十里至仰溪鋪十里至麻溪鋪十二里至楊溪鋪十三里至坵塹鋪十三里至板橋鋪十里至向家團鋪十里至乾溪鋪

統九鋪鋪路統九十八里每鋪鋪兵五名惟楊溪鋪四名統四十四名又十三里至十里鋪辰谿縣所轄又楊溪鋪西十五里至野柘鋪鋪兵三名三十里至縣前鋪瀘溪縣所轄

西路縣前鋪十里至落仙鋪十二里至烏速鋪十三里至榆溪鋪十里至楓香鋪十里至李子鋪十里至石板鋪十里至高望鋪十里至桃子鋪十里至小麻鋪統九鋪鋪路統九十五里每鋪鋪兵四名統三十六名又十里至焦坪鋪永順縣所轄

廢驛

沅陵縣志

卷九

公署

驛鋪附

廢驛

三

北溶水驛在縣東六十里明洪武初設驛丞駐此專司遞運紅船督率水堡牽夫隆慶六年移駐下三十里之碣

訛為 灘康熙六年裁

怡容水驛在縣東一百一十里清浪水驛在縣東一百二十里俱明初所設江口水驛在縣西二百四十里正德中所設康熙六年盡裁而水堡牽夫未革四十二年知縣郎廷榘詳請永革凡官司上下皆自雇夫不復擾民論曰公署之設所以壯觀瞻謹關防出政教而示會歸也明以前無邑乘故建置不可考由明迄今垂五百年其興廢之幾移易之故俱詳著於篇夫官有裁撤斯署有廢置

乃明明現爲官舍而亦不數十年不百餘年卽有重修移
建之舉又何以故蓋一則視官如傳舍而不能隨時繕葺
一則惑於風水之說遂因而更張也脫令坐堂皇者知國
帑之不可輕動民財之不可過傷而護公署如護私第則
一勞永逸之效不信然與如第爲飾觀美而皇皇焉謀改
作竊願取露臺之說爲當路陳之